



UNIVERSITÄTS-
BIBLIOTHEK
PADERBORN

**Exercitia S. P. Ignatii Via Ad Salutem Et Perfectionem
Propriam & alienam, Tuta & perpetuo tenenda**

Ignacio <de Loyola>

Hildesii, 1713

VD18 13664689

§. I. De Scopo Exercitiorum.

[urn:nbn:de:hbz:466:1-60348](https://nbn-resolving.de/urn:nbn:de:hbz:466:1-60348)

...
...
...
...
...
...
...
...

PRÆFATIO

D E
Scopo & usu Exercitiorum
S. P. IGNATII

§. I.

De Scopo Exercitiorum.

Ibellum Exercitiorum S. P. Ignatii, ut quis
bene æstimet ac rectè intelligat ; hæc tria,
velut ejusdem libelli brevis epitome , ob-
servanda & distinguerenda sunt. *Primum* est libelli
scopus : *alterum*, rationes & momenta ad eum
scopum: *tertium*, instrumenta usurpanda ad eun-
dem scopum.

Scopus generatim est ; *ut quis vincere seipsum*
posit; & vita sua rationem determinatione à noxiis af-
fectibus liberâ instituere ita S. P. post annot. hebd. 1.

Scopus verò speciatim est ; ad salutem & per-
fectionem pertingere per hos gradus, quos S. P.
complexus est tribus gradibus seu modis humili-
tatis, hebd. 2da pag. 104

Primò, Ita esse ab omni peccato lethali mundum
& alienum ; ut proposito commodo vel incommo-

A 2

do

do quovis maximo, nullum transgrediar mandatum divinum aut humanum, quod quidem peccati mortalis vinculo nos obligat.

Secundò, ita puro esse liberóque animo ab omnī affectione malā; ut nec culpam venialem ulla occasione admittam; imò commoda & incommoda, quatenus ad salutem & divinum obsequium necesse est, æquè lubens eligam.

Tertiò. denique, ad majus solūmque Dei obsequium ac beneplacitum eligere semper, agendo perfectissima, patiendo difficillima; jacturam, paupertatem, contemptum, atque adversa omnia &c.

Horum primum incipientibus, alterum proficentibus, tertium perfectis proprium & accommodatum est.

Rationes, Momenta & Via, quibus ad hunc Scopum perducere S. P. conatur, sunt

Primò. Finis, ad quem homo creatus est.

Secundò. Christi Jesu exemplum & imitatio.

Tertiò. Amor & unio cum Deo.

Horum primum proponit in Fundamento Exercitiorum & in prima hebdomade quæ & via purgativa est; alteruin in secunda & tertia, quæ est via illuminativa; tertium in quarta hebdomade, quæ via unitiva est.

INSTRUMENTA, quibus ista momenta ad ipsum scopum consequendum nobis applicantur; sunt meditationes, contemplationes, examina conscientiæ,

tiæ, varii modi orandi, Lectio sacra, Sacramen-
tum Confessionis & Eucharistiæ, regulæ. Regulæ
illæ sunt variæ, scilicet: de discernendis spiritibus,
de vietu temperato &c. huc spectant variæ addi-
tiones &c. hæc ad longum hic posita non sunt;
sed seperatim magna attentione legi debent; pro
ut singulis diebus, circa finem, inter legenda de-
signatum est.

MEDITATIO verò, quæ horum instrumentorum
penè præcipuum dicitur; est exercitium memo-
riæ, intellectus & voluntatis. Memoriæ quidem,
ut veritates divinas bene apprehendat; Intellec-
tus verò ut easdem veritates magis expendat
atque ex iis veritates practicas deducat quid agen-
dum omittendūmve sit; voluntatis denique, ut
piis affectibus circa rem præsentem ac Deum ex-
ardescat, & potenter moveatur ad decernenda
exequendaque vitæ melioris firma proposita. De
hoc & aliis plura §. tertio.

Hæc certè *Via* est ad salutem & perfectionem
& quidem *tuta*; sive scopus spectetur sive mo-
menta, sive instrumenta. Tuta via est (qua-
quam nihil minus tutum sit ob dæmonum frau-
des & hominum errores & magnitudinem peri-
culi, quam *Via* ad salutem & perfectionem) tuta
est & multorum Sanctorum certâ experientiâ &
oraculo plus quam humano Pauli tertii Papæ anno
1548. Alexandri 7timi anno 1657. hæc exercitia
approbantium. Et hic denique admirabilis ille
exercitiorum liber, Sedis Apostolica judicio & omnium

utilitate comprobatus. Ità de illo legit Ecclesia in
vita & festo S. Ignatii.

§. II.

Quis Usus Exercitiorum?

Usus Exercitiorū, Primū opportunissimus est
iis, qui nullum hactenus vitæ statum com-
plexi, deliberare de eo, utpote re maximi & æter-
ni momenti, seriò volunt. Hoc enim initio viam
perfectionis aggressus est & persecutus à Deo edo-
ctus ipsemēt S. Ignatius. Hoc initio S. Xaverium,
Laynium, Fabrum primos suos socios, aliósque
innumerōs magni nominis & sanctitatis viros, tum
per se ipsōs, tum per alios ad eligendū perfectionis
& Sanctitatis studium perduxit. Usui etiam illis
esse possunt qui deliberant de fide & religione.
Si quis verò in certum quoddam vitæ genus &
statum non mutandum selejamtū dederit; per-
utilia hæc exercitia erunt; ut electionem benefa-
ctam confirmet, aut in statu jam inito, salutem &
perfectionem statui accommodatam inveniat.

Porrò, ne post tempus exercitiorum, & vitæ
melioris proposita & horum momenta in exer-
ciitiis expensa in oblivionem denique veniant; &
perfectio ipsaque salus in neglectum: necesse erit;
ut cœpta in exercitis via sit *perpetua*. Neque enim
unius octidui aut brevis temporis est; negotium
Salutis & perfectionis. Huc debet conatus esse
& progressus perpetuus. Perpetuus conatus ad
fugam peccati & lethalis & levis, & ad perfectio-
nis indies altioris consecrationem. Itaque & ratio-
nes